

6

# تورک بوروی

جل : 1      Say : 6      26 kaimusani 1327

تورکک قاندهت چالشیر  
اون بش کونده بر چیقار

## تورک لک مئونی

تورانه زتورک جمعیتی . — اداره خانه مزه کوندربلن نظامنامه لرندن بو یاقینلرده تورانه و تورک لک متعلق اوج جمعیتک تأسس ایتدیکی آکلاشیلور . بولردن برنجیسی بوداپشته ده مجار علما و معتبرانی طرفندن تأسیس ایدیلش اولان تورانه جمعیتی « La Société Touranienne » در . بومهم جمعیتک ریاست فخریه سنده قونت به لاهه چینی ایله دوقتور آرمینیوس وامبه ری (مشهور مستشرق رشید افندی) . و ریاست فعلیه سنده قونت پول تهله کی بولنیور . قومیه اعضاسی آره سنده شمال تورک لرینه سوعلی سیاسی پک معلوم مستشرق دوقتور میسه روش افندی بی ده کورمکه ممنونز . توران جمعیتک فرانسجه نظامنامه سنده مقصدی شویله افاده اولنیور : « جمعیتک مقصدی ، مجار ملتیه قراچی اولان آوروپا و آسیا اقوامک علوم ، صنایع ، اقتصاد سیاسی و اجتماعینی تتبع ایتک و ایلرولتمک . — جمعیتک آرزوسی غیرک نفعته چالیشمقدیر ؛ سیاسی ، دینی مسأله لر و منافع شخصییه متعلق خصوصلر میدان فعالیتندن تماماً خارجدر . — جمعیتک فعالیت علمی و عمومیدر ؛ جمعیت امور تجاریه ایله مشغول اولز . »

دیگر ایکی جمعیتک ، هر ایکیسی استانبولده تأسس ایتشدیر . بولردن «تورانه نشر مهارف جمعیتی» عنوانلینک مقصدی ، نظامنامه سنک اوجنجی ماده سنده شویله یازیلیدر : « عصر حاضر علوم و فنونک اقوام تورانه آره سنده نشر و انتشارینه و فکر اجتماعیلرینک تنبیه و تکاملنه ، صنعت و تجارتلرینک زمان حاضرک ایجاب و مقتضاسنه کوره انکشاف و توسعنه ، آداب و فضائل حقیقه اسلامییه نك محافظه سنه و قرآن کریمک امر بوبوردینی اخوت و معاونت اسلامییه نك بین الاسلام حقیقه تأسسنه برصورت منتظمه ده چالیشمقدیر . »

اوجنجی جمعیتک اسمی : « تورک تعمیم مهارف جمعیت ظهیر سی » ؛ مقصد تشکیلی « ممالک مختلفه ده متمکن تورک قوم نجینک حقوق طبعیه لرینه مستند فعالیت اجتماعیه لرینه بر جریان منتظم بخش ایدیه یله جک تدابیر مشروعیه توسل ایله طریق تکاملده تسریع ترقیلری اسبابی استحضار و استکمال ایله مکدر . »

مقصدلرینک ملتزه و عرفزه نافع اولدینی یوقاری به عیناً کچیردیکمز نظامنامه ماده لرندن آکلاشیلان و سیاستله اوغراشمیه رق ای ایدن یوقارده ش جمعیتلرک هر اوجنی احترامله سالملر ، جله سنه جدی و بویوک موفقیتلر دیلهر ز . تکرری یادیدیلری اولسون !